

後村集卷之四十

疏

啟建天基節以下密院三首

秦臘俶臨將及春回之候
夏正甫建有開震出之祥
敢傾葵藿之心仰祝椿松之算
伏願 皇帝陛下壽
齊箕翼福等罔陵崑丘王母之爽
摩頰來獻海上安
期之棗不必遠求

蒲敬

春王正月方欣木德之回
天子萬年式慶蘿圖之永
罄輿情之懽忭祝睿算之延洪
伏願 皇帝陛下如

日之外體乾之健幽人為酒告農扈之屢豐都護奉
觴喜邊烽之早息

進功德

昊蒼眷命聿開王者之興臣子愛君均願聖人之壽
輒憑善頌仰贊修齡恭惟 皇帝陛下保大定公無
為共已大德者名位必得光紹鴻圖善治則福祿自
來駢臻景貺

黃籙醮以下袁州七首

地方千里忝為長吏以分憂帝監四方敬為齊民而
請命瞻言斯土粵自北年繭絲哀歎之餘里閭愁歎

羽檄征求之廣郡邑空虛顧剖竹之非予凜包桑之
是慮茲以農時方急銜夏初臨欲令蠶麥之宜全賴
雨暘之若仰祈寤昊俯念蒼黔感召豐登之祥祓除
乖蠶之氣詠京坻之積粟保秋成薦沼沚之毛尚期
歲晚

謝晴

民力農桑方患積陰之沴吏憂蠶麥願開霽色之祥
御燎方騰氛靈已審敬羞蘋荐少寓菲忱開陰縱陽
尚有祈於終惠割雲縹雪庶無廢於前功

祈雨

德不集 卷四十一 二
天瓢下注僅施破塊之功火傘高張未改望霓之意
輒伸微悃冀續前功伏願念民作勞怨吏亡狀時方
多事豈容早魃之苗歲大有年庶保農夫之慶

再祈雨

穡寶垂成預喜千倉之積魁金為祟深虞一篲之虧
豈上澤壅而不流故天譴示而未已恭願矜民凋察
憫物焦卷收火傘於層空一清濁暑翻天瓢於四野
沆保豐年

仰山祈雨

耘耔力勞田共憂於龜斫神通功大淵能起於龍潛
粵從春下以來方幸雨暘之若三農相慶一稔可期
甫涉初秋頗愆甘霖某昔無吏責此心尚願於豐年
今忝郡符詎意親逢於旱歲千里但聞於愁歎一身
如處於焚悴輒嚬惻而有求仰威靈之如在恭願鑒
其丹赤哀此蒼黔雲密自郊一洗也膏之意月離于
畢早符喜雨之占

送仰山回殿

勝蠻下臨俯鑒避堂之敬滂沱隨至暫寬守土之憂
益知仙聖之神通敬率吏民而餞送然以四封之廣
僅沾一溉之餘儻少廢前功寧不嗟於虧篲如大蘓

衆望尚有冀於翻盆

再祈雨

方千里之地所望有秋七八月之間豈容久旱儻天
意尚慳於嘉應則歲功將敗於垂成恭願驅斥魃妖
憫憐農務則苗槁矣深懷無及之憂以雨潤之庶拜
有終之惠

安奉玉淵聖水以下江東三首

大田多稼將立見於焦枯九淵潛鱗忍未施於涓滴
詣名山而虔請即靈瑣以精祈伏願憫旱魃之流行
奮泥蟠而反化自膚寸雲而起俄滿太空以一勺水

之多溥周大地

永寧寺祈雨

七月流火不勝亢烈之憂三日為霖未慰滂沱之願
茲精意六勤於祈禱何神機尚闕於杳冥伏願隨念
感通乘時變化沛然下雨儻獲救於槁苗乃亦有秋
庶無孤於力穡

謝送玉淵聖水

一勺之水不測而龍生焉七月之雨沛然則苗興矣
頽解群情之煩鬱孰知妙用之神通乃即招提敬陳
梵唄然四境暫蘓於轍涸頽三農尚恐於箕虧寶穡

得秋方屬收成之際靈湫奮螭時霑膏潤之恩

代追薦魏國迎羅漢

善女人過去生中充精勤於釋典阿羅漢大神通力
或游戲於塵寰爰集緇流敬修茗事伏念臣外姑魏
國蚤全覺性偶應俗緣徧更晚歲之顯融不改平生
之澹泊盡空諸有龐媪曾去參耒向上一機趙州亦
遭勘破高年鮮儼大教奄終感託女之恩深念館甥
之誼篤欲伸微報僅有追嚴尚望同發慈悲各施方
便來飛金錫証明生滅之因去度石橋指點虛無之
路

接茶

筵歌悽咽浮生如露之晞茗事莊嚴散聖乘雲而至
憑茲妙果拔彼沉羸共携曹溪鉢來喫取趙州茶去
一旗試水豈獨中濡之泉甘六椀通靈未覺五臺之
路遠

為二侄追薦惠州第設靈官齋

窮而無告感雨露之溉濡幽則有神挹潢汙而可薦
庶憑精潔少答劬勞仰瞻上界之仙靈迴向陰間之
主宰雖手閱有三百片然烹試無第一泉辨香自洩
其哀鳴寸念冀通於冲漠莫羨竟陵水曾入品來何

德林集 卷四
慶蓬萊山欲乘風去

天基聖節功德疏 癸亥

生商之祥方開休運祝堯之壽必仗殊曰繡寶笈之
祕文介礫旒之景旣伏願 皇帝陛下法天之健猶
日之中河清應期遇千載之一嵩高獻瑞呼萬歲者
三重混車書益綿基祚臣嘗塵雍從猶抱畝忠禮西
方僂証成於上果現南極像永錫於修齡

又甲子

聖主岡陵之福固不待祈賤臣賦畝之忠未忘歸美
恭惟 皇帝陛下興中天之業披輿地之圖寡欲清

心了釋氏色空之說修身治國寶冊書慈儉之言屬
臨震風之辰式輅泰亨之祉臣蒲懷芹曝稽首篆烟
壽八千春莫測靈椿之奠坐六十劫信如貝葉所云
大行皇帝功德疏

億年敬天之休方開壽域千秋厭世而去遽返帝鄉
仗釋老之殊因瀝臣民之哀籲恭惟 大行皇帝享
國遠同於仁祖建儲近法於高皇設虞待賢轉圜從
諫未明已求衣而起宏濟多艱一日不負宸而朝恐
聞大漸昊天弗吊率土震驚臣嘗塵戎橐之聯永茹
烏蹄之痛欲伸寸抱爰假辨香西方有聖人既超離

後集
於浩劫南面聽天下尚垂裕於後昆

穆陵中祥乙丑

火藏廟祀已叶禮經火改穀升修臨練祭莫報聖知
於既往敬憑願力以追嚴恭惟 烈文仁武安孝理
宗皇帝非心倦黃屋之勤厭世乘白雲而去神棲禹
窆空悲弓劍之遺上服堯喪尤切羹祥之見三宮在
歿萬國銜哀臣早事軒墀老歸衡泌寸抱未忘於丹
赤瓣香爰仗於緇黃昔道家言谷神之若存內典謂
金身之不壞梵王釋帝尊為方外之遊文子湯孫奄
有域中之大

穆陵大祥丙寅

在天之靈仙遊遐遠有時而既禮典告終仗佛氏之
勝緣觀云氏伸堯民之餘慕共惟 理宗皇帝丕烈中
興於大業沉機豫建於元儲雖英辟作新咸仰握符
之盛然老臣懷舊豈勝嘶樞之悲已迫桑榆尚羞蘋
藻伏願掃空諸有筏渡衆生稽首西方既超搖於浩
劫共已南面永啟佑於後人

現同上鴻基過歷御馭搏扶乘雲而至帝鄉消搖上
界賓日而出賜谷啟佑後人

乾會節功德疏 有旨免進

書元年春遠際出震乘乾之運頌聖人壽誰無望雲
 就日之心既乞身退老於山林猶稽首皈依於仙梵
 恭惟 皇帝陛下法天之大若帝之初雖曆數在舜
 之躬心為同戴然羹墻則堯之見禮或未皇隄聞嵩
 嶽之呼寧緩鈞天之燕臣殘骸木槁寸抱葵傾持一
 瓣之寶熏祝九重之睿算上古椿八千歲非小智之
 所知曇鉢華五伯年歷曠世而一現

又丙寅

祥開赤伏欣逢聖作之期序南朱明遠繼弗生之
 敬羞蘋荐仰祝椿齡伏頌 皇帝陛下如日之升則

天之大西方長壽佛算等河沙南極老人星數綿箕
 翼

又丁卯

奉玉卮壽漢隆長樂之儀獻金鏡書唐紀開元之節
 敬拈一瓣虔祝萬年恭頌 皇帝陛下離照並明乾
 剛獨斷佛坐六十劫饒益等於河沙冊書五千言長
 久同乎天地

又戊辰

九龍吐水皇宮開初度之祥一馬渡江真主拓中天
 之業虔輸丹赤借助緇黃恭頌 皇帝陛下謳歌所

之歷數攸在食海上安期之棗培植仙根獻崑丘阿
母之桃綿延聖算

壽崇節功德疏 丙寅

母儀天下燕怡綿萬壽之期玉大域中崇奉極九重
之孝敬羞蘋薦仰祝椿齡伏願 皇太后殿下為宋
姜任真女堯舜灑補陀之瓶柳大地均霑獻瑤圃之
梓桃後天難老

又丁卯

祥協佛生鴻禧甫膺於寶冊恩浚母育龍綃親奉於
玉卮俯陳率土之情仰祝後天之算恭頌 皇太

殿下守長富貴推大慈悲坐妙善補陀巖巖凝然不動
觴阿母瑤池上樂未渠央

又戊辰

聖人之孝何加聿嚴崇奉昊天之神欲報矧值誕彌
欣際千齡敬熏一瓣恭頌 壽和皇太后殿下道更
尊於欽聖德莫甚於宣仁乾元坤元所謂大造化者
釋氏老氏非若小因果然

修協應廟

川瀾回於既倒開千萬世之利源廟額粲然而威昭
二百年之闕典惟木蘭之一水由錢孝之兩頤始則

善女人沉淵上愬于帝縱有長者子樵石大為之防
 雖水旱無乾溢之虞化瀉涵為膏腴之壤尸祝社稷
 之可也山川鬼神其忘之敬熙寧之闕宮揭淳祐之
 勅扁一新輪奐尚賴檀那清揚婉孌如覲美人之
 面明德遠矣至今思妣氏之功敬聽斯言共成此段

重建龍岫廟

神聰明正直而行猶莫逃於劫火民水旱疾疫必禱
 將復作於闕宮既撤舊規模而更張須藉大檀越之
 隨喜龍岫古迹乾德始基綿歷十四朝絲綸寵甚血
 食方千里香火赫然不料融風忽乘厄數坐使百間

之金碧悉為一炬之埃煤孔蓋翠於已登天而變化
 椒漿挂酒未有地以荐陳卜人獻龜食之祥梓匠圖
 輦飛之勢念靈光殿昔周數里奈戴樓門今沒一文
 所望鈴齋瑟堂潭第刹倡以公家之朽貫頌其私橐
 之賜金純白裹成於聚毛九層臺基於撮土君之惠
 也神其忘之化鶴歸鄉覺城郭人民之如故乘駒入
 廟樂春秋朝暮之出游一文沒一文起甚
戴樓門汴京舊語

龍岫廟緣茶供

神君久血食一方將經營於靈瑣上座真講師三昧
 能開晤於大檀未論山河大地之動搖立見厦屋千

問之突兀哀多益寡各携淵林錢來隨喜作緣共喫
趙州茶去相梓人之輪奐資拂子之舉揚

重建九座山太平禪院

四百載叢林不幸值阿修羅之厄數十萬戶大郡豈
無辦摩訶薩之捨心輒携雨空拳而來真垂一舉手
之援昔咸通際有正覺師安禪於毒蟒吻中相攸於
靈契指處覺性不滅舍利之浮圖猶存至人所屋畏
壘之尸祝未已孰云寶刹遽化劫灰深山之樵牧興
嗟法筵之龍象悲泣空誦杜陵之句何時得見千萬
間恨無澄觀之才掃地便高三伯尺惟香火達乎四

境矧檀信布於數州使龕中老師無把茅以蓋頭而
庭下學人有大雪之平膝諒仁人之動念與佛祖而
作緣庶幾煨燼荆棘之餘復覩金碧輪奐之盛華封
人祝帝堯壽永膺曆數之歸長者子是世尊身必享
人天之契

重建嶽廟

古祭不越望分堊雖殊嶽峻極於天威靈甚遠莆雖
偏壘帝有闕宮陋矣數椽簡儉之規歛然一城崇奉
之意卜云其吉倂來以圖前法魯靈光仰稱衮旒之
貴後營齋柏寢亦惟莞簟之安外敞高大之門閭旁

列幽陰之官府方將考室而築百堵未易捧土而臺
九層必大檀辦喜捨之心庶新廟有落成之望朝金
錢之輻湊夕輪奐之翬飛旅于泰山非教一然致福
者由此靈瑣如洋一乎在上焉協助勝緣永為壯觀

重修仙水廟

至人厭世去凜然如生神官與我言叩之必應闔郡
皆知於起敬闕宮胡可以不嚴勅封嘉應惠利侯自
西京著父子之英靈及南渡受國家之封爵雨暘輒
禱香火相承世傳淮南上昇至於雞犬帝命巫陽掌
夢瞭若著龜然滿垣之茨墜缺殘戶牖之丹青漫漶

古栢已老槐花將黃紛然懷一辨以下榮枯誰肯出
隻手而新輪奐豈無吉地得於羊胛熟之間必有異
才起應龍瓜紅之識更須好事共辨肯心

聖壽資國院重建佛殿疏蕭水部所創

莊嚴古刹夫誰無奉佛之心扈從勲臣以以為祝堯
之地儒墨之設教雖異臣子之歸美則同維古瞿曇
道場鄰老辟支坐處至今莆邦耆宿能言蕭寺因緣
徼利福田非韓愈氏之意錫名資國寓華封人之忠
幾闔星霜半成瓦礫水部之規模好在雲孫之輪奐
美哉寶殿一新叢林改觀老漢和巖而讚歎大家協

力以圓成現宰官身亢華宗於東海願聖人壽等椿
算於南山

後村先生集卷四十

後村集卷之四十一

青詞

袁州入宅

忝牧民之重寄朝命雖榮違將母之初心官游奚樂
潔蠲公宇熏被醮楚將祈千里之蒙休冑特一家之
徼福伏願監臨悃悃畀錫福祥田里相孚嚴永銷於
愁歎庭闈雖遠書常報於平安

廣東倉入宅

起家一出甚矣勞生乘傳載馳幸而善達輒陳悃素
冒叩昊蒼伏念臣久分退藏忽叨臨遣白頭慈母老

戀家山黃吻小兒疾函道路雖百指檀栾而無恙然寸心隕穫而靡寧茲撰劉辰將趨公宇爰舉袞除之典冀垂覆幬之仁共願憫必艱勤錫之福順新書方急若為寬比屋之敷愁舊學云何夫豈在全家之飽煖哲彈薄力仰荅厚恩

江東憲入宅

重趺而來頗厭弁車之役息肩云始方知棟宇之安敬練劉辰俯陳卑悃伏念臣退藏不密浪出有慚將毋晨昏既違必志全家飽煖亦獨何心况以諸生力量之輕任茲一道耳目之寄何以慰士民之望何以

報君親之恩屬當臨泣之初爰舉袞除之典伏願辨臈上格颺馭下臨援臣孤危之蹤開臣平反之智獄無冤氣不至干陰陽之和家有安書庶少寬溫清之念

袁州祈雨

窮則呼天既禱祠之徧舉嗟而求雨庶踰籲之上聞謹班綠章冒陳丹悃伏念臣承流亡狀致早有端戰兢兢甘一身之即譴炎赫顧千里之何辜或盈澮而復乾或閭雲而不下此念未通於幽顯胡顏可見於吏民輒為四邑之生靈上訴九閻之主宰伏

頤曲垂帝監深憫輿情川澤氣升速覩翻歌之快田疇水足少休抱甕之勞

江東祈雨

嗟我農夫苦亢暘之為沴惟皇上帝忍膏澤之尚也俯陳枵腸之情仰瀆穹窿之聽伏念臣自入彊而采訪知編戶之創瘡數口之家鮮能宿飽一年之計尤仰早收方彌望以如雲忽兼旬而涸兩涘恐子遺之黎庶不能自振於儉荒惟暑氣之蘊隆欲流金石彼原田之秀實將化堇余列城若處於焚快近境纒蒙於霑灑儻慳後惠必廢前勞合一蹶之哀嗚叫九閭

而上訴伏惟矜其誠至賜以感通若潤澤之敢不盡微臣之職俾滂沱矣庶幾全大造之功

太淑人保安庚寅

小人有母一疾甚危皇天無親至誠可感仰戴生全之造俯陳喜惧之情伏念臣等母淑人林氏晚晚年齡沉綿春夏醫師迭試莫知補瀉之方兒女滿前忍見呻吟之狀遂於中夜密禱上穹願減微臣之年以延慈母之算寸忱既徹諸苦頓輕然餘恙未之盡乎顧大恩無以少報敬羞非荐摧謝高真恭願吉曜臨身灾躔退舍蠲除熱惱不煩藥石之功降錫福祥永

後集卷四十一
保樂樗之壽

太淑人生日巳丑

桑榆迫暮深羨於久生蒲柳望秋不期而先悴輒陳
卑悃冒瀆高寤伏念臣妾坎壈百罹侵尋七袞雖筋
骸無恙尚可支吾然歲月如流不堪把玩敬因初度
式按真科伏願旣馭下臨瓣香上格循蘭陔之養永
遂團圓保樂社之年終逃天伐

又庚寅

我生之初恍如宿昔年運而往寢迫暮遲伏念臣妾
累月呻吟闔門驚悚訪醫問卜慄乎性命之憂起死
迴骸大矣乾坤之德茲逢誕日謹按真科庶憑方寸
之微誠少谷再生之洪造恭願坎離交濟火宇退躔
雖及老既衰非復盛強之日然踰七望八冀延耄耄
之期

又辛卯

質如蒲柳甚矣易衰年在桑榆慄乎可惧迺即始生
之日輒伸善禱之情伏念臣妾少頗艱勤晚尤澹泊
身多蓄疾豈能無性命之憂家素清貧未免有兒孫
之念儻不飯依於大造若何全護於餘齡伏願鑒以
精誠錫之壽礪懷鍼索文不勞方劑之施戲綵含飴

德林集 卷四十一
永保團栾之樂

又癸巳

數平生之善未有纖毫過本命之年又踰一紀茲載臨於誕日輒默禱於高穹伏念臣妾久矣疴殘偶然老壽諸兒無似俱忝宦游薄業不多屢逢歲稔未及祈禳而災退靡煩湯熨而疾平適當炷祀之年將竊郡封之寵非元化施生之妙何暮齡僥倖之多敬瀝微誠仰干慈造恭頌頌其美芥介以嘉祥疏湯沐之新封已慙稀闊微柔榆之晚福更祝期頤

太夫人生日戊戌

暮景婆娑罄櫟樗之無用上穹高邈幸蘋藻之可羞伏念臣妾葦爾餘生獲茲初度歲年冉冉曾無卻老之方兕輩駸寢有惡盈之惧儻匪自天之保佑曷延過隙之光陰伏願介以壽臧原其灾厄金篦刮翳令舊覲之復還石窳疏恩冀新封之屢啟

又巳亥

年既暮遲屆始生而有感天雖高邈幸一念之可通伏念臣妾八袞侵尋一門忝竊無關心之藥裹有繞膝之班衣茲逢裡祀之期將啟國封之寵曰貴曰壽覺取教之過多欲安欲生豈常情之能免爰齋心於

誕日敬稽首於高寤恭頌降錫福祥蠲除灾厄肯甘
無闕永相保於蘭陔瞻視復明初不煩於菊枕

又庚子

皓首衰頽幸棲身於田里丹誠懇切冀駐景於崦嵫
伏念臣妾八袞平頭一生多病老而及耄未逢刮膜
之方子且生孫粗有含飴之樂郡國三疏於湯沐家
庭並列於節麾積茲僥倖之多慄若滿盈之懼敬因
誕日輒敬籲天伏願鑒以微忱錫之晚福一家仁遜
勿隳先世之風百歲期頤克保天年之壽

又辛丑

人羨久生願餘齡而自慨天無私覆然善願之必從
伏念臣妾某早染世塵晚耽禪悅駸以大耋久不出
於鄉閭祿以諸兒粗能當於門戶自甘無闕湯熨少
停人以為衰老之榮已則有滿盈之惧茲因誕日敬
叩高寤伏願鑒以精虔昇之壽域大國賜沐湯竊異
新恩百年曰期頤庶延暮景

福國生日壬寅

歲華已晚不勝喜惧之情天聽甚卑輒瀝精誠之禱
伏念臣妾頽然衰景屆以始生雖瞻視之逾昏尚筋
骸之可免老者祝哽祝噎粗適旨甘常情欲安欲生

後村集 卷四十一 六
矧侵耄耄敬憑綠奏輒歷丹忱伏願矜以餘齡錫之
晚福班衣雜選清溫相踵於高堂錦誥便蕃湯沐更
封於大國

又癸卯

晚晚餘齡幾於耄及精虔一念可以上通伏念臣妾
目顧早衰偶叨暮福八袞加三之老眠食粗寧一門
取教之多滿盈是戒諸息承顏而定省重孫繞膝而
團樂人所共榮妾常深懼衣褐屬臨於初度辨香敢
昧於真依天道益謙願勿隳於孝謹人情欲壽庶獲
保於期頤

又甲辰

人羨久生氣已衰而將竭天無私覆誠之至者必通
伏念臣妾取教過多踰八望九昏定晨省雖云子職
之共日徃月來不覺旋期之及刮膜之方難遇漉血
之恙甫廖未能性悟而理融常恐留生於福過廼齋
心於誕日敬請命於上窮蒲柳望秋敢保凋零之質
桑榆遂暖庶延晚晚之齡

又乙巳

人情欲安矧頽齡之寢迫天道善應冀精禱之上通
伏念臣妾其猥以衰癯安於寂寞擁麾持節及觀兒

輦之榮衣褐委璋頰見孫曾之慶然而光陰晚矣疾
病半之昨漫血之失常覺殘骸之幾殆幸而平復若
有護持茲復屆於誕辰敢飯誠於洪造伏願災躔屏
退吉曜照臨酌彼澗蘋聊薦至微之意譬諸社稷庶
全無用之幸

又丙午

春秋之高一則以惧天地之大感而遂通伏念臣妾
迫桑榆之衰年進湯沐於大國目尤昏瞶殆顏色之
不分身賴扶持亦筋骸之非昔比因疾危深切戰兢
亟祈扣於上蒼荷保全其餘景然一門盈滿之當戒

矧二息官游而未歸不勝舐犢之懷冀從反哺之請
茲臨初度敢昧真依欲望鑒其血忱介以眉壽味五
福攸好德之訓佩服勿忘稽九十不從政之文檀栾
相保

又丁未

壽鄰大耋驚心歲月之深病惜餘生托命乾坤之大
伏念臣妾猥以弱質享茲高齡雖五疏湯沐之封然
一守清白之訓筋骸返少曾無南嶽之方瞻視全昏
矧有西河之哭惧門戶之衰冷念子孫之衆多固已
衰頹未忘貪愛屬皇覽初度之旦誦自求多福之言

荐澗濱之蘋繁與垂窳聽譬道傍之樗櫟永適天刑

又戊申

大耋年高但覺光陰之速再生恩大迄臻疾疢之平
伏念臣妾某久矣癯殘加之瘖下衣裳顛倒呻吟至
於累旬形藥扶持性命危於一髮慄兒曹之憂懼荷
造物之哀憐參朮收功桑榆駐景然湯熨尚煩於調
燮而在羸未易以盛強思奮起於沉痾敬熏修於初
度伏願被除諸苦逆續修齡宇尾火頭一洗星躔之
色原高隰下共榮晝繡之行

新居設醮

女筭男弁頗驚碎累之多考室子堂聊廣先人之舊
落成之日徼福於天伏念臣嶺海脫身家山屏迹昔
在蝸舍粗蔽於雨風今若蜂房各開於戶牖即東偏
之隙地闢小築之數間雖云練時日之吉良尚恐犯
方隅之禁忌屬孟冬之叶卜命二息以奠居上以奉
庭闈之清溫下以帥閨門之雍睦非叩闥而默禱豈
闔室之敢寧伏願憫此艱勤遂其安逸苟全苟合師
先哲之格言乃寢乃興符占人之吉夢

保安丁未

戶門灾厄嘗抱憂危天地施生沆蒙全護延熏一辨

仰谷九閭伏念臣累召造朝一擠去國道聞仲氏疾
遽至於淪亡堂有老人惧不堪於悲惱呼天密禱窮
日疾馳吹箎已隔於怡愉笏獲躬於定省脫仕路
風波之險惡遂家廷朝夕之檀栾靜言思之亦云幸
矣然而親既踰耄全體多不安誰無欲生欲安之情矧
迫一喜一惧之際敬因醮謝復有懇祈伏願臣母魏
國太夫人林氏火孝順行坎離相濟孫曾長茂足為
晚暮之娛醫卜屏除永保康寧之福

又戊申

微軀幾殆未逢十全之醫一念默通盡出再生之造
輒憑綠簡敬剖丹衷伏念臣晚晚餘齡沉綿累月受
髮膚身體曾未報於劬勞禱上下神祇冀稍延於視
息果臻勿藥之喜遽失采薪之憂深懼母子檀栾之
心不墜戶門付授之託向非元化安有殘生輒蓋沼
泚之毛少谷乾坤之德伏願自今以始惟適之安夸
詡俗情豈必買臣之繡燕娛親膝寧無萊子之衣

又壬子

拙恙沉綿幾作異鄉之鬼寬恩全活復為故里之人
仰蒼昊以歸依紅綠章而推謝伏念臣某昨者膏肓
証迫性命憂深頓灰恋闕之心密霑首丘之禱未幾

痛定起衛玠之清羸俄又汰歸免史談之留滯尋漁
樵之保社治農圃之生涇晞髮曝背於湯熨之餘長
子抱孫於衡茅之下凡餘齡之僥倖皆大造之生全
不揆蝼蟻之微輒羞豺獾之祭伏願矜憐衰憊弱被
災迨舊仄恙平不復費醫和之劑布年在望方將挂
洪景之冠

又乙卯

采薪之憂命懸一瞬勿藥之喜恩等再生假以餘齡
仁哉洪造伏念臣某官情已薄羊事寢高去國為農
圃之歸罷祠絕庖廩之繼尚為病挽可見身灾窮則
呼天嘗呻吟而號籲齋可事帝果奮起於沉綿不揆
蝼蟻之微輒羞豺獾之報伏望神祇叶佑星曜順行
屏歧伯之書少停湯熨拜弘景之疏遂挂衣冠

陳氏女保安

女子有行遽違慈侍婦人免乳實抱私憂伏念臣妾
劉氏昨以妊娠感於夢寐遠父母兄弟殆由驚噩而
成禱上下神祇冀遂生全之望果蒙化育陰賜護持
既無坐蓐之危復有抱雛之慶敢羞菲薦不昧初心
伏願吉曜照臨我躔銷弭乃安莞簞聿闕卜兆之祥
言采蘋繁益致壺儀之謹

又

父惟疾之憂沉綿幾殆天不言而應號籲及聞伏念
臣女子劉氏昨與良人相携遠宦屬江城之傳警抱
添室之隱憂驚恐入心遂得奇疾扶持還里幾成廢
人久矣失音近尤惡食藥累動煩於尊老藁石久客
於京師惟平生情之所鍾其危惻目不忍見惟有歸
依於洪造庶幾全活於微生伏願吉曜臨身灾躔退
舍屏二豎之祟無使伏藏遇十全之醫不勞湯熨

出甫婦保胎

庭闈暮景頗思君子之抱孫家室至情莫切婦人之
免乳敢陳卑悃仰扣高真伏念臣室妾方道璋恃母
以存從夫未久執采蘋之禮敢不敬共迫坐蓍之期
寧無兢惧爰歸依於仙聖冀誕育之平安伏願醮馭
下臨辦香上格于門容駟豈云後福之徵阮婦得雄
庶動尊懷之喜

又解頌

沉綿幾殆寧免呼天俄頃有瘳遂能履地再生之賜
九隕曷酬伏念臣某妻室方道璋涉秋以來屬疾頗
久受我藥石莫起歿以迴骸禱爾神祇忽沉疴之去
體蝼蟻之命既知免矣豺獮之報詎容愆然伏望鑒

後村集 卷四十一 四十一
此精虔蠲其屯厄孩提繞膝未妨戲萊子衣之伉儷
齊眉所願舉孟光之案

里社禳灾

興訛未止豈勝如燬之憂思患豫防爰作徙薪之計
合輿情而有請庶咎証之可禳伏念臣等一方自甸
浹以來以屋懲融風之警始愚氓不戒殆非熒惑之
所為俄俚俗相驚常若畢方之將至深惟鄉閭守望
之義誰無室家漂搖之虞廼延黃冠為拜綠簡伏願
貸下民之自孽儼上帝之女臨在昔一言尚使妖星
之退舍矧今萬口必蒙和氣之致祥

又庚申

天道善應儼上帝之女臨人情欲安惧一夫之弗獲
伏念臣等雖逢儉歲幸處郊境無鳴柝之虞野有來
牟之熟氣候適當於溽暑里閭間問於巫醫愁歎未
甦驚訛相恐陽舒陰慘莫知垂沴之繇夏拜瘴春痛
庶可禳禳而去合旄倪而瀝悃異窮昊之垂慈伏願
薰太平嘉生之祥貸下民自作之孽懷鍼托艾悉令
美疾之廖曲突徙薪永熄融風之警

又

思患而豫防人情至切不言而善應天聽甚早迺率

後集卷之四
倪共祈穹昊伏念自冬至臈厥証常暘風日燥剝水
泉乾涸連薨接棟深虞沴氣之行曲突徙薪思弭融
風之變俗相恐動古有禴禘懷凜凜之深憂遂罄
而上剋伏願錫皇極之福念民生之艱驅萬鬼之妖
咸躋仁壽遂畢方之恠永息驚譎

又癸亥

風日燥剝氣殊乖盤星辰高遠古有祈禴敬述輿情
塵竅聽惟此一方之生聚遙然連月之亢乾歲稍
荒物多疰癘築場之際未嘗聞拾穗之歌接棟而
不有徙薪之慮惟竭精誠而上訴庶令各證之

潛消伏願儼上帝之女臨赦下民之自孽室無鴟鴞
之毀幸免漂搖俗傳畢方之訛靡勞驅逐

并祈禳

赤青示畜成主人之曲突綠章徼福冀英感之退躔
臣等昨覩常暘恐為咎証合輿情而致禱庶沴氣之
潛消近者融風作於深夜溝澮之泉久涸綆缶之力
安施甚矣貼危幸而撲滅國人驚而畢方見未熄妖
譎城門火而池魚殃各懷憂懼衆號鳴於下土再瀆
告於上竊伏願鑒觀四方敷錫五福安斯莞篲為高
卧之人有以屋廬無搖居之患

直突延燔輿情共駭辨香感格天聽甚卑念再三瀆
懇切之詞採億兆衆陷危之命耄倪安枕相保於荒
年彗孛收芒化為於甘雨更新終惠永戴洪恩

又

善則降之祥天何嘗遠灾可禳而去古有是言敢述
輿情仰塵竊聽伏念臣等土風素陋稼事薄收沴氣
未清訛傳相恐禪竈用畢之請其說若迂徐福曲突
之憂夫誰不惧惟有精虔而上愬庶幾消弭於未然
伏願惠此一方錫之五福火既順性深藏炎赫之威
星為退躔默有感通之理

又

思患豫防人情則一不言善應天聽甚卑謹率旄倪
仰干宸昊伏念臣等粵自上世奠居此方或長子抱
孫或聯姻聚族成巢辛苦難於燕子之營此屋驚訛
殆若畢方之至古昔有祈禳之說士民均號籲之情
伏願哀閔困之窮順熒惑之性上筮下筆遂棲息之
安接棟連甍無漂搖之恐

民憂赤青不敢奠居帝覽綠章潛消咎証莫報乾坤
之德敬羞沼沚之毛伏願彗孛退躔里閭按堵祝史
瓚筆之說何以薦忱古人突薪之防益當加謹

魏國追薦工部弟

幽明異趣然可以感通母子至情未忘於顧復俯伸
蘋薦仰徹藥章伏念臣妾次男某昨者力解麾符退
安水菽中歲享垂魚之樂方愜素懷高年抱舐犢之
悲忽成永訣百指之孤嫠奚託一生之慈孝難忘閔
旬浹之屢更叩天閣而上訴伏願離諸業障乘以津
梁脫鬼趣之沉淪庶蒿悽愴譬道家之解化來往消
搖

追薦工部弟

少小相從尚記吹箏之樂幽明永隔可勝摘蔓之悲
輒玃紅韋仰干蒼昊伏念臣亡仲弟某早嘗艱阻晚
致顯融持節擁麾因勤官而得疾上書歸印頤奉母
以終身方將躬晨昏扇枕之勞踐疇昔對床之約云
何竒禍遽隕壯圖上靡頌九袞之老人下不念一房
之孤寡手足之情雖切豪髮之力安施僅有追嚴少
伸哀懇伏願拔於大夜乘以剗風死生豈不痛哉孰
窮變滅魂氣無不之也真免沉淪

代追薦工部二首

幼而無父豈勝孤露之悲窮則呼天蓋本焜蒿之意
俯伸哀籲仰冒窮隆伏念臣先父昨解印符退依香

火居常之絕獨忍半生之貧晚稍寬餘曾無一日之
享始謂偶愆於膝理安知遂迫於膏肓而况重闈九
齡一房百指聞者尚為之太息痛哉以此而安施未
釋煩寃奄臨卒哭惟有精虔而上懇庶幾肝嚮之潛
通伏願帝所鑒現靈其來下脫離大幽之趣逍遙元
氣之初雖往不復還象罔莫之能索然號之使復巫
陽或者可招

父慈罔極徒切於攀號道妙難名有資於解脫追惟
嚴考奄棄中年歷官已來漫青綾之作夢厭世而去
恐黑籍之挂名存陳蝼蟻之情汜戴鴻濛之造化橋

穩度早離萬鬼之鄰故宇未歸永受六親之托

代作工部弟中祥

伉儷遂睽永抱藁砧之恨焄蒿不遠奄臨鑽燧之期
輒剖煩寃冒干真宰伏念臣淑柔故夫某已下從於
窀穸靡返顧於孤嫠哭之如新孰云期可已矣望之
弗至所以練而慨然虛結過去生之緣莫追未忘人
之痛伏願矜憐號籲超脫沉淪雖音容闕乎重泉即
之冥漠然精爽迴乎長夜凜若生存慰尊幼之哀思
為門戶之依托

魏國九幽醮

蘭咳罰酷可勝罔極之懷苦塊哀深莫動蓋高之聽
淒其丹赤仰止窮蒼伏念臣等母魏國太夫人林氏
幼歷阨艱蚤嬪隱約相先君子曷嘗動色於牛衣稱
未亡人初豈有心於象服堅剖自守耄耋靡渝眼看
子舍之顛馳手拊孫枝之長立久享重闈滌髓之奉
吾啟大邦湯沐之封當其貴壽之時尤以滿盈為懼
案惟梵卷笥止澣裳其訓儉每安半菽之供其戒殺
恐傷一蟻之命筋力雖憊神明未衰自仲息之云殂
覺歡悰之寢少屬忝鄉真便私之命方為板輿就養
之行云胡沉痾遂至大故慘甚嚴霜之墮夏纍然孤
露之不天南陔白華之章從今已矣凱風寒泉之感
何痛如之敢以煩寃形諸號籲伏望憫毀巢之禍察
叫闈之情拔大夜之沉淪乘剗風而解脫死者可作
固無復生之期魂兮來歸儻有可招之理

代追荐工部弟大祥二首

呼天靡及罔極奈何送父之終有時而既輒于洪造
少瀝丹忱伏念臣先父某一掩泉扃再周歲律檀弓
既矣徒深望弗至之悲子夏已除猶有哀未忘之語
痛心禋祭稽首道家庶幾百指孤嫠之情能動九閻
主宰之聽伏願刊豐都之籍收岱宗之魂或鬼趣未

離幸早超於幽闇縉兒曹無似竊有覲於顯揚
素冠終制未忘人子之悲寶籙煉魂有感道家之說
欲伸餘慕僅有追嚴荷仙聖之証明憫孤嫠之號籲
蠲其業障度彼化橋乘碧落之長風闕赤明之浩劫
消搖靈境離泉壤之幽陰庇燾後昆俾門閭之高大

魏國卒哭二首

毀巢號叫尚未絕聲過隙光陰奄臨卒哭俯彈血悃
仰噴蒼昊伏念臣先妣魏國捨此庭闈歸于宅兆既
畢返而虞之禮愈深望弗至之悲斷機之訓徒存扇
枕之事永已雖臣親之壽九袞夫復奚言然人子之

心百年猶以為短而况莫大乎灰生之變難忘者頤
復之恩謂彭殤可齊豈枕塊之所忍道使曾閔復出
非籲天無以洩哀矧如追嚴素所崇信痛逝者十旬
之不返異諸孤一念之上通伏願帝鑒現而下靈臨
續紛其來格刊其黑籍尚何鬼趣之憂乘彼白雲有
若道家之說

命有所制莫駐於親年魂無不之卒憑於道力伏念
臣先妣魏國奄成千古俄已十旬荷真宰之鑒臨憫
衆離之號籲考察平生之功行靡所欠虧証明末後
之因緣超然解脫既注名於上界亦垂慶於後昆

追荐惠州弟

野鵬飛來竟作殊鄉之崇原鵠奔去可勝同產之悲
聚族煩冤呼天號訴伏念臣弟某蚤承家訓晚奉藩
條有食尊之清無凝香之樂書來絡繹久聞樂喜之
音訃至倉皇忽破槐安之夢委愛子稚孫而不顧捨
涼臺燠館而安之雖七旬已隔於音容然一念可通
於中漠伏願拔旅魂於遐嶠脫鬼趣於大幽緋綈旋
歸掃矣歌於三伏箕裘不墜衍餘慶於二孤

為二侄追薦惠州弟

丹旄言旋陟岵愴十旬之隔赤章哀顙扣閣冀一念
之通伏念臣等先父臣某奪自孤童安於拙宦補孝
子循蘭陔之什久矣栖遲暮前賢守鬱林之風過於
清苦凡今日寸地把茅苟有皆平生節衣縮食之
所營云胡夏鵬之妖莫起河魚之疾野吏之亭長在
父老共悲善和之宅依人主人不返雨降露濡動輒
悽愴水浮陸走幸無震驚輒伸人子之情敬采道家
之說伏願圓乾坤之大造鑿草土之微忱逝者如斯
夫欲承顏而永訣魂兮歸來些寧與魄以俱沉脫離
幽陰周游冲漠

獲罪於天抱此幽憂之痛得請于帝招其離散之鬼

後集卷之四
力挽沉淪恩霑存沒伏念臣等先父臣某奄終官舍
且涉暑塗雖返丹旌愴慈顏之就木欲銷黑籍遂血
面而叫闕果以哀恫通乎旰嚮騎驎而下等人世之
微忱化鶴而歸返子孫於它日

為二侄追薦惠州弟小祥

板封坎掩已從窀穸之歸火改穀升追感歲時之變
俯伸踴籲仰噴窮隆伏念臣等先父某定數莫逃慈
顏愈邈期已久矣野哉短喪之言練而慨然痛甚終
身之慕惟祈哀於仙聖庶有益於幽冥仗道慈超
離鬼趣初臨忌日豈惟有一朝之憂永佩義方奚止
無三年之改益綿餘慶垂燾後昆

代赤侄孫薦母

鞠育頌復百生莫報於母慈躑躅蹄鳴九歎少伸於
孺慕伏念臣母黃氏傳家巨孝作配嚴君如友如賓
安荆練之淡泊斯人斯疾頓藥石之扶持意廷羸為
壽考之資迺變滅在頌史之傾夫嗟絃斷兒尚髫垂
升堂不見哲仁目存之容開卷不聞諄耳提之誨
既抱煩寃而枕塊尚延殘息而扣闕伏願於孩幼之
血忱刊幽陰之黑籍棄白日襲長夜雖莫招冥漠之
魂抱明月挾飛仙冀早獲逍遙之趣

追薦六二弟

少小同依莫切同根之愛幽明永訣可勝摘蔓之悲
仰噴窮倉俯陳悃素伏念臣亡弟某奄終一夢俄及
六旬粗有玉通之田廬未畢尚平之婚嫁重矣托孤
之責壓於垂老之身廼命羽流薄蓋菲荐伏願離幽
陰趣為汗漫遊隻影僅存動往哲獨亡之嘆餘情不
泯結來生未斷之因

代續侄孫薦父

幼而無父孰恤零丁窮則呼天必聞哀籲伏念臣某
父臣某燈窓若學砥礪好修周家所謂鄉之賢能漢
人亦云家之珍寶甫臨伯玉知非之歲方且盛強未
及宣尼學易之期奄然委蛻永別族親之恩誼靡需
兒女之長成終身含陟岵之寃泣血漉叫閭之悃伏
願遊乎方外復於性初解脫業緣依憑因果破胡僧
劫灰之語有無渺茫遊仙家白雲之鄉逍遙自在

又

父劬莫報含荼毒之至寃天聽甚卑漉哀鳴而上懇
俯陳蝼蟻仰叩鴻濛伏念臣某父臣某傳奕業之弓
箕箒前修之矩矱族稱孝鄉稱弟不可瑕疾市爭利
朝爭名則如退怯方某水某丘之自適忽斯人斯疾

而弗廖靡需三息之冠弁不顧六親之恩愛友多作
誅鄰不相舂剖苦塊之悲恫徹藥珠之淵邃伏願溥
施方便考察平生信大命之有常哀先君之何辜刊
陰官之黑籍起脫淪沉乘帝鄉之白雲周遊汗漫

代強甫婦薦母

銜冤枕塊永隔世慈瀝血籲天少伸子慕伏念臣妾
先妣某氏生玉侯之闕嬪儒素之門堂有舅姑珍鞋
之養惟謹子無嫡庶鳴鳩之愛則均謂耆年開石窆
之封乃中歲抱栢舟之志鄉評甚媿閭範可師女子
有行念切晨昏之際人生如寄訃馳宿昔之間戴星
而歸陟吧靡及惟祈哀於寤吳庶有益於幽陰伏願
鑿蝼蟻之微忱施鴻濛之大造棄日而襲長夜雖莫
返於營竟乘雲而游太清與永離於鬼趣

謝恩

綠章甫徹悲哉草土之情黑籍隨刊大矣雲天之地
臣妾某從夫游宦隔母清溫聞訃告而亟歸痛音容
之漸遠念聖善劬勞之德等於乾坤按道家煉度之
文求諸鄴岱巢蒙衆仙聖之力俯憐一女子之微盼
嚮感通幽陰解脫及黃泉而見永無定省之期乘白
雲而僂早獲逍遙之趣

後村先生集卷之四十一

後村集卷之四十二

詩話 前集

故事 經筵徹章

慶曆中賜講讀官詩率取前人絕

句淳祐丙午講禮記畢錫宴秘書省御製七言唐律

一首云鰲極開先已降衷 上天下澤禮居中三才


義理維持力萬世綱常建立功孔聖法言多纂輯漢

儒師學共修崇經帷講徹資群彥克己工夫在廣克

詩既雄渾而奎文絢爛行草道麗各為一體侍讀少

師鄭公以下拜賜者十有四人克莊與焉徹章賜

御製詩自今上始



後漢書 卷四十二
施眾澁澁黷發發葭揭庶姜藥藥庶士有竭
鄭氏曰庶姜謂姪娣庶士謂媵民毛氏曰藥藥
盛飾余始悟屈原九章云魚鱗鱗兮媵予之
意本此

詩四言尤難以三百五篇在前故也韋玄成云誰謂
華高企其齊而誰謂德難厲其庶而使經聖筆亦不
能剛也曹公短歌行末云山不厭高海不厭深周公
吐哺天下歸心且孔融揚脩俱覺其手操之高深安
在身為漢相而時人目以漢賊乃以周公自擬謬矣
魏文帝善孔行云人生如寄多憂何為今我不樂歲

月如馳當操無恙植以才倉舒以惠幾至奪嫡謂之
多憂可也及受漢禪可與天下同樂矣帝既猜阻鮮
權而諸侯王就封者皆為典籤侵迫多見削奪其未
命乃托國于狼顧之仲達是帝之憂至死未已何時
而可樂乎

曹植以蓋代之才它人尤愛之况于父乎使其少加
智巧奪嫡尤反手尔植素無此念深自斂退雖丁儀
等坐誅辭不連植黃初之世數有貶削方且作詩責
躬上表求自試兄不見察而不敢廢恭順之義卒以
此自全可謂仁且智矣文中子曰至哉思王以天下

讓真篤論也

贈白馬五彪云丈夫志四海萬里尤比鄰恩愛苟不
虧在遠分日親何必同衾幃然後展殷勤憂思成疾
疾無乃兒女仁倉卒骨肉情能不懷苦辛末云離別
永無合執手將何時王其愛玉體俱享黃髮期于時
諸王凜凜不自保子建此詩憂傷慨有不可勝言
之悲詩中所謂蒼蠅問白黑謔巧令親踈蓋為灌均
輩發終無一毫怨兄之意處人倫之變者當以為法
彰以驍勇覽植以文義全蓋丕所忌非文人也使倉
舒在却未必可存倉舒矣操謂丕輩曰我之不幸汝

輩之幸也此語失父道矣豈所以愛倉舒哉陸机吊
魏武文云曩以天下自負今以愛子托人其言甚可
悲也

嵇康幽憤詩云性不忤物頗致怨憎按康傲鍾會不
與語與山濤書自言薄周孔而非湯武其所忤也大
矣子元子上見書自無可全之理况加以士季乎雖
欲采薇散髮願性養壽豈可得也

四言自曹氏父子王仲宣陸士衡後惟陶公最高停
雲索小等篇殆突過建安矣

五言見于書詩如萬事業勝執胡為乎泥中之類非

始子蘇李也武刑陵云欲展清商曲念子不能歸又云願為隼黃鵠送子俱遠飛陵雖萬無還理武尚欲拔之以歸漢忠厚之至也

康樂稱太傅為宗哀子建稱益德為家王皆自我作

苦
嵇康以非涉武三字殺身如韓亡子房奮秦帝魯連恥之句謂之反形已具可也康樂安得全乎然康樂若以改物為恥竊負而逃可也為淵明亦可也既仕宗乃欲為子房魯連于詎未有所安悲夫

阮嗣宗云寧與燕雀翔不隨黃鵠飛黃鵠遊四海中

路將安歸蓋歎時人之安于卑近而自傷其才大志廣無所稅駕非謂士之抗志甘為燕雀而已嵇阮齊名然功進表叔夜決不肯作

文章正宗初萌芽西山先生以詩歌一門屬予編類且約以世教民彝為主如仙釋閨情宮怨之類皆勿取予取漢武帝秋風辭西山曰文中子亦以此辭為悔心之萌豈其然乎意不欲收其嚴如此然所謂勢佳人兮不能忘之語蓋指公卿羣臣之扈從者似非為後宮設凡予所取而西山去之者太半又增入陶詩甚多如三謝之類多不入

詩至三謝如玉人之攻玉錦工之机錦極天下之工巧組麗而去建安黃初遠矣

陶公如天地間之有醴泉慶雲是惟無出出則為祥瑞且饒坡公一人和陶可也

潘岳云春榮誰不慕歲寒良獨希若能卻願長慮者然身游金谷以賈謚石崇為托歲寒之地悲夫

謝康樂有擬鄴中詩八首江文通有擬雜體三十首名曰擬古往往奪真亦尤退之琴操真可以絃廟瑟子厚天對真可以答天問今人號為摹擬其作求其近似者少矣

贈盧諶詩前歷叙霸王之佐下云中夜撫枕歎思與數子遊又云功業未及建夕陽忽西流時或不我與去乎若雲浮昔蒯通讀樂毅之書而泣余于越石此詩亦然

前作有甚拙者劉越石云宣尼悲獲麟西狩涕孔丘兩句一事也阮嗣宗云多言焉所告繁辭將訴誰兩句一意也然不以瑕掩瑜

宋少帝前溪曲云黃葛生爛熳誰能斷葛根寧斷嬌兒乳不斷郎殷勤其才思乃在陳後主隋煬帝之上魏文帝有見輓艇士新婚別妻詩一首庶幾熠燿宵

行蟪蛄在戶之遺意呂東萊馬嵬詩云錦襪千年恨
皇興萬里程寧知輓舡士亦有別離情輓舡事與馬
嵬不相涉而善用之如此

焦仲卿妻詩六朝人所作也木蘭詩唐人所作也樂
府惟此二篇作叙事体有始有卒雖辭多質俚然有
古意

徐陵所序玉臺新詠十卷皆文選所棄餘也六朝人
少全集雖賴此書略見一二然賞好不出月露氣骨
不脫脂粉雅人莊士見之廢卷昔坡公笑蕭統之陋
以陵觀之愈陋于統如沈休文六憶之類其勢慢有

甚于香奩花間者然則自國風楚辭而後故當繼以
選詩不易之論也

唐初王楊沈宋柱石然不脫齊梁之体獨陳拾遺首
倡高雅冲澹之音一掃六代之纖弱趨于黃初建安
矣太白韋柳繼出皆自子昂發之如世人拘目見酣
酒笑丹經崑崙有瑤樹安得采其英如林居病時久
水木澹孤清閑卧覩物化悠悠念羣生青春始萌達
朱火已滿盈徂落方自此感歎何時平如務光讓天
下商賈執刀錐已矣行采芝萬世同一時如吾愛鬼
谷子青谿無垢氛囊括經世道遺身在白雲舒可弥

字留卷之不盈分豈徒山木壽空與麋鹿羣如臨岐
泣世道天命良悠悠昔日殷王子玉馬遂朝周空鼎
淪伊穀瑤臺成古丘西山傷道老東陵有故侯皆蟬
蛻翰墨畦運讀之使人有眼空四海神遊八極之具
杜審言夜宴云酒中堪累月身外即浮雲登襄陽城
云楚山橫地出漢水接天迴妾薄命云啼馬驚殘夢
飛花撓獨愁杜氏句法有自來矣

杜五言感時傷事如親朋無一字老病有孤舟如敢
料安危体尤多老大臣如不愁已道路恐濕漢旌旗
其用事琢对如須為下殿走不可好樓居如竟無宣

室召徒有茂陵求如魯衛弥尊重徐陳略喪亡八句
之中着此一聯安得獨步千古若全集千四百篇
無此等句為氣骨篇篇都做圓荷浮小葉細葉落輕
花道了則似近人詩矣

古人感知己之遇栞布奏事彭越頭下威洪盧誥皆
不以主公成敗而二其心叔季所謂賓客方翕翕熱
時則趨附恐後及時異事改則振臂而去至有射羿
者世傳嚴武欲殺子美殆未必然觀老親如宿昔部
曲異平生之句極其悽愴至位置武于八哀詩中忠
厚藹然異于幕府少年今白髮之作矣李義山過舊

府有寄諸掾詩云莫憑無鬼論終負托孤心尤有門
生故吏之情可以矯薄俗

唐人善形容人情物態杜公云已經十日窺荆棘困
危極矣然腰下空玦青珊瑚終不解去何也義山云
不收金彈拋林外却憶銀床在井頭亦曲盡貴公子
之慙態若貫休輩自拳五色毬迸入它人宅却捉蒼
頭奴玉鞭打一百之句拙俚甚矣

太白古風云大雅久不作吾衰竟誰陳王風委蔓草
戰國多荆榛龍虎相啖食兵戈逮狂秦正声何微茫
哀怨起騷人揚馬激頽波開流蕩無垠廢典雖萬變

憲章亦已淪此今古詩人斷案也黃河走東溟白日
落西海逝川與流光飄忽不相待春容捨我去秋髮
已衰改人生非寒松年貌豈長在吾當乘雲螭吸景
駐光彩西上蓮花山迢迢見明星素手祀芙蓉虛步
躡太清俯視洛陽川茫茫走胡兵流血塗野草豺狼
尽冠纓此六十八首與陳拾遺感遇之作筆力相上
下唐諸人皆在下風

古人服善太白過黃鶴樓有眼前有景道不得崔顥
題詩在上頭之句至今陵遂為鳳凰臺詩以擬之今
觀二詩真敵手棋也若它人必以顥韻或于詩版之

傍別着語矣

玉川子貧甚僧送米令割俸其家必無蓋藏一婢赤脚必無姝麗所訟惡少騎屋下瞰未必尽然既為捕管惡少不以為德反謂處置未是它人處此必怒退之乃巽詞謝之為具招之玉川赴其約又先致雙鯉亦不之卻舊史稱退之性崛強以玉川事觀之乃一委曲人也然其與憲宗爭佛骨與御史丞李紳爭臺參與王庭湊爭牛元翼與河南尹鄭相爭賣餅軍人則毅然不可奪崛強于太節而委曲于羣碎此其所以為退之歟

李翱張籍皇甫湜皆韓門弟子翱妻又舍女也故退之皆名呼之如云李翱觀濤江又云籍湜輩然翱祭退之文乃稱為兄師弟子姑未論兄妻之諸父可乎籍祭詩云而後之學者或號為韓張有抗衡之意湜作墓碑云父疾諭湜曰死能令我躬不随世磨滅者惟子以為屬退之乃賴湜而傳耶近世推黃配蘇亦類此

退之性喜玩侮如呂醫山人之類固可侮揚之果侯喜諸生也乃况之果以相馬又借釣魚嘲喜云舉竿引線忽有得一寸絲分鱗與鬚盧仝張籍之齒長矣

于盧則云先生抱材終大用宰相未許終不仕形容
其迂濶不少貸于籍則云君乃崑崙渠籍乃嶺頭瀧
譬如蟻垤微詎可陵崆峒贈崔立之云朝為百賦尤
鬱怒暮作千詩轉道險若服其敏者下句却云才豪
氣猛易語言往往蛟螭雜蟻蚓則多而不精可以槩
見其于詩人中惟東野文中惟子厚稍加敬

唐僧見于韓集者七人惟大顛顛師免嘲侮高閑草
書頗見貶抑如惠如灵如文暢如澄观直以為戲笑
之具而已灵尤跌蕩至于醉花月而羅婢娟此豈佳
僧乎韓公方且欲冠其顛始聞澄观能詩欲加冠巾

及覩來謁見其已老則又潜然惜其無及所謂善護
而不為虐者耶

柳子厚才高它文惟韓可对壘古律詩精妙韓不及
也當舉世為元和体韓尤未免諧俗而子厚獨能為
一家之言豈非豪傑之士乎昔何文縝常語李漢老
云如柳子厚詩人生豈可不夸他做數百首漢老退
而歎曰得一二首似之足矣文縝後送北狩病中詩
云歷歷通前劫依依返舊魂人生會有死遺恨滿乾
坤雖意極忠憤而語不刻急亦夸柳之驗

吕温坐伍文黨黜守道衡二州卒于衡柳子厚誄之

日遣理于道民服休嘉賦無吏迫威不刑加又言二
州之人哭者逾月坡公謂温小人何以得此然余觀
温集送江華毛令絕句云布帛精麤任土宜疲人識
信每先期今朝臨別無他囑雖是蒲鞭也莫施太守
送縣令之言如此則子書非溢美矣今世士夫大笑
温者比肩及為二千石屬縣能督賦者蒙殊獎負殿
者受嚴譴有能為温此言未見其人也

吕温詩云天下起兵誅董卓長沙義士最先來荆公
云江東子弟多才俊卷土重来未可知皆可以倡東
南勇敢之氣

王建新嫁娘詩云三日入厨裡洗手作羹湯未諳姑
食性先遣小姑嘗張文潛寄衣曲云別來不見身長
短試比小郎衣更長二詩當以建為勝文潛詩與晉
人參軍新婦之語俱有病

劉長卿七言云欲掃柴門迎遠客青苔紅葉滿貧家
魏野林逋不能及也

洛神賦子建寓言也好事者乃造甄后事以實之使
果有之當見誅于黃初之朝矣唐彦謙云驚鴻瞥過
游龍去虛惱陳王一事無似為子建分踈者

唐人叙述奇遇如后土夫人事托之韋郎無復事托

之仙客罵罵事雖元稹自叙尤借張生為名惟沈下
賢秦夢記牛僧孺周秦行記李羣玉黃陵廟詩皆攬
歸其身名檢掃地矣

古樂府云新婦初來時小姑始扶床今日被驅遣小
姑如我長迴頭語小姑勿嫁似兄夫庶幾哀而不怨
矣

雍陶送春詩云今日已送愁裡去明年更莫共愁來
稼軒詞云是他春帶愁來春歸何處却不解和愁將
去雖用前語而反勝之

唐失河湟未久司空圖詩云漢兒尽作胡兒語却向
城頭罵漢人燕山自石晉割棄至本朝宣和歷年多
矣議者尤以燕人思漢藉口率召狄難

劉言史贈成鍊師云大羅過却三千歲更向人間魅
阮郎此女道士豈魚玄机之流歟唐人多不矜細行
李羣玉有龍門寺佳人阿家歌云何須同秦寺然後
始為奴其放潑如此夫陶寫情性如閑情賦可也過
則為羣玉矣

唐人多傳盧仝因留宿王涯第中遂預甘露之禍仝
老無髮奄人于腦後加釘焉以為漆丁之讖或言好
事者為之仝處士與人無怨何為有此謗然平時切

齒元和逆黨月蝕一詩脍炙人口意者羣奄因此害之太平廣記載孝廉許生遇四丈夫與白衣叟會飲于甘棠館西噴玉泉四人謂叟曰玉川來何遲叟舉壁間所見詩座中聞之皆擁面欲慟已而叟與四人者各賦一篇蓋王涯賈餗舒元興李訓與全之鬼也按甘露之謀涯餗不預元興訓雖狂踈敗事其志與陳蕃竇武宋中錫何異得罪于羣奄則有之于社稷無負也身與其宗既殖醢于寺人之手終唐人之世名与叛逆同科僅嘗收葬羣奄又使人發之投骨渭水子孫或逃依劉從諫苟活且旦暮甚可憐矣及澤

潞乎被害無噍類詔書尤謂之逆賊之後此何理也李文饒實當國政刑如此豈畏奄人耶抑有宿憾于涯革耶至昭宗危亂中始有雪涯等之詔噴玉泉詩云李固有冤藏蠹簡鄧攸無子續清風又云雖有衣衾藏李固終無表疏雪王章皆可傳誦白衣叟所奉壁間詩云六合茫茫皆漢土此身無處哭田橫妙甚此必是涯元興門生故吏所作

杜牧之聞慶州趙縱使君與党項戰死詩云將軍獨乘鉄驄馬榆溪戰中金僕姑死綏却是古來有驕將白鷺今日無青史文章爭点筆未門歌舞笑捐軀誰

知我亦輕生者不得君王丈二及皇祐中僮賊犯康

州闔郡清去惟守臣趙旦師死之妻方產子棄之草間

亂後訪之尚呱呱然諸公哀誄惟元厚之云轉戰誰

門日欲脯空拳尤自把戈鉄身垂虎口方安坐命在

鴻毛更疾呼柱下果卿存斷節袴中杆曰得遺孤空

餘三尺英雄血不愧山西士大夫欲與牧詩並驅

樊川集中有李給事詩云元禮去歸緱氏李江充束

見犬臺宮又云可憐劉校尉曾訟石中書李名中敏

常論鄭注免歸又忤仇軍容棄官二聯可謂善用事

矣

劉亭詩五言如蜀先主廟云天下英雄氣千秋尚凜

然勢分三足鼎業復五銖錢得相能開國生兒不象

賢淒涼蜀故妓歌舞魏宮前八陣圖云軒皇傳上畧

蜀相運神机水落龍蛇出沙平鵝鶴飛波濤無動勢

鱗介避餘威會有知兵者臨流指是非中秋云星辰

讓光彩風露發晶英能變人間世修然是玉京七言

如洛中寺北樓云高樓賀監昔曾登壁上筆蹤龍虎

騰中國書流讓皇象北朝文士重徐陵偶因獨見空

驚目恨不同時便服膺惟恐塵埃轉磨滅再三珍重

囑山僧西塞山懷古云西晉樓舡下益州金陵王氣

漢然收千尋鐵鎖沉江底一片降幡出石頭人世幾
回傷往事山形依舊枕寒流今逢四海為家日故壘
蕭蕭蘆荻秋哭呂溫云遺草一函歸太史旅墳三尺
近要離金陵懷古云山圍故國周遭在潮打空城寂
寞迴皆雄渾老蒼沈着痛快小家數不能及也絕句
尤工

亭得貞元間已為郎官御史牛相方在場屋投贄文
卷亭得飛筆塗竄牛既貴未能忘有曾把文章謁後
塵之句亭得荅云初見相如成賦日後為丞相掃門
人且飭諸子以已為戒然和令狐相云鮮有一身兼

將相更能四面占文章則依然故態此詩幸次楚韻
若施之于絢豈止掇兔葵燕麥之怒耶同時八司馬
皆高才一斥不復或荅時宰無樂育意惟新史謂貪
帝病昏抑太子之明深當其罪後裴度為亭得免播
州之行憲宗怒尚未解非但諸公忌才也

亭得歷德順憲穆敬文武七朝其詩尤多感慨惟在
人雖悅達于樹比冬青之句差閑婉荅樂天云莫道
桑榆晚為霞尚滿天亦足見其精華老而不竭

莫徭自主長名字無符籍市易雜數人婚姻通木客
星居占泉眼火種開山脊夜渡千仞谿含沙不能射

蠻語鉤輈音蠻衣班斲布熏狸掘沙鼠時節祠盤瓠
忽逢乘馬客恍若驚麕顧腰斧上高山意行無舊路
此劉夢得莫徕蠻子詩也世傳坡詩始李夢得觀此
二詩信然

元稹詠估客云尔又生兩子錢刀何歲平薛郁和蕃
詩云君王莫信和親策生得胡雛患更多往年黑風
峒賊首詐降朝家以通直郎鎮南僉幕招之不出使
其弟來吉州謁帥帥以角妓奉之豐宅之戲云遺下
賊種柰何

唐彥謙寒食五言云微微潑火雨草草踏青人本朝
王元之詩亦用潑火雨

牧之譽阿宜義山譽衮師後二兒皆無聞退之不譽
子姪直言阿賈不識字

李義山荅令狐補闕云人生有通塞公等繫安危于
升沉得喪之際婉而成章簡齋南渡初被呂東同時
呂容云共談太極非無意能繫蒼山本不同則氣象
益開闊矣

唐任藩詩存者五言十首而已然多佳句衆鳥已歸
樹旅人尤過山贈僧云半頂髮根白一生心地清居
然可愛令人動為千百首而無可傳者

薛能詩格不甚高而自稱譽太過五言云空餘氣長在天子用平人不但自夸其詩又自夸其材然位歷節鎮不為不用矣卒以驕恣陵忽憤軍殺身其才安在妄庸如此乃敢妄議諸葛可謂小人無忌憚者在揚州在唐時最繁盛故張祜云人生只合揚州死蜀都在本朝最繁盛故放翁云不死揚州死劍南杜牧許渾同時然各為體牧于唐律中常寓少拗峭以矯時弊渾則不然如荆樹有花兄弟樂橘林無實子孫忙之類律切麗密或過牧而抑揚頓挫不及也二人詩不著姓名亦可辨樊川有續別集三卷十之

八九皆渾詩牧佳句自多不必又取它人詩益之若丁卯集割去許多傑作則渾詩無一篇可傳矣牧仕宦不至南海別集乃存南海府罷之作甚可笑

韋蘇州話舊云昔事武皇帝無賴恃恩私身為里中橫家歲亡命兒朝持標蒲局暮竄隣家姬司隸不敢捕立白玉墀此蓋韋公身在三衛目擊其類如此非自謂也王建羽林行亦云長安惡少出名字樓下劫商樓上醉天明直下明光宮散入五陵松栢中百回殺人身合死赦書尚有收城功九衢一日消息定鄉吏籍中重改姓出來仍舊屬羽林立在殿前射飛

禽可與韋詩互看韋詩律深妙流出肝肺非李力世
言其所至掃地焚香而坐不應為人老少頓異可見
前詩寓言尔

子美送孔巢父云若逢李白騎鯨魚道甫問訊今何
如蓋李杜與巢父一輩人也又云詩卷長留天地間
釣竿欲拂珊瑚樹則巢父亦能詩者偶失傳尔子美
問閔亂離挺節無所汙巢父後歿王事惟太白坐永
王璘事流夜郎按璘嘗辟巢父而巢父不應可見太
白當未去就久商量也新史謂白佐璘起兵頗似文
致但不當就其辟尔

李遠贈寫御容李長史云初分隆準山河秀再点重
瞳日月明極工及坡公仰觀眩晃目生暈但見曉色
開扶桑迎陽晚出步就座絳紗玉斧光照廊野人不
識日月角髻鬢尚記重瞳光之篇一出光焰萬丈視
遠所作真小兒語

歐陽率更願寢長孫無忌朝之云誰令麟閣上画此
一獼猴好事者遂造白猿之說謗及其親鄭畋名相
父亞亦名卿或為李娃傳誣亞為元和畋為元和之
子小說因謂畋與盧攜並相不成攜詒畋身出倡妓
按畋與攜皆李翱甥畋母攜姨母也安得如娃傳及

小說所云唐人挾私忿騰虛謗良可發千載一笑亞
為李德裕客白敏中素怨德裕及亞父子娃傳必白
氏子弟為之托名行簡又嫁言天寶間事且傳作于
德宗之貞元追述前事可也亞登第于憲宗之元和
畋相于僖宗之乾符豈得預載未然之事乎其謬妄
如此如周秦行紀世以為德裕客韋絢所作二黨真
可畏哉

張籍還珠吟為世所稱然古樂府有羽林郎一篇後
漢辛延年所作云昔有霍家奴姓馮名子都依倚將
軍勢調笑酒家胡胡姬年十五春日獨當壚長裾連

理帶廣袖合歡襦頭上藍田玉耳後大秦珠兩鬢何
窈窕一世良所無不意金吾子娉婷過我房銀鞵何
煜燦翠蓋空蜘蛛貽我青銅鏡結我紅羅裾男兒愛
後婦女子重前夫人生有新故貴賤不相踰多謝金
吾子私愛徒區區籍詩本此然青于藍

送宮人入道唐人多有此作荆公止選項斯一首云
願送仙女董雙成王母前頭作伴行初戴玉冠多誤
拜欲辭金殿別稱名將獻碧落新齋磬却進昭陽舊
賜筆旦暮焚香繞壇上步虛尤作按歌声未脫唐体
也韋蘇州詩家最高手亦有此作云捨寵求仙畏色

哀辭天素面立天墀金丹擬駐千年兒室鏡休勻八字眉公主与收珠翠後君王看戴角冠時送來宮女多相妬聞向瑤臺總淚垂絕不類韋詩與斯輩竟何以異風俗移人如此或是韋公戲傲時人休尔

牛竒章有夜入真珠室朝遊玳瑁宮之謗張祐上牛相亦云四十便封侯名居第一流下有綠鬟紅粉之語未云知君年少貴不信有春愁蓋前詩非謗矣牛李嗜好如水炭惟愛石則如一人然贊皇生相門無声色之好竒章起寒士備貴人之奉不及贊皇遠矣唐詩人与李杜同時者有岑參高適王維後李杜者

有韋柳中間有盧綸李益兩皇甫五竇景後有姚賈諸人李者李此足矣長慶体太易不必李王逢原題樂天墓未云若使篇章深李杜竹符還不到君分豈亦病其詩之淺耶

王鐸尽忠唐室奮討巢賊初節與鄭畋略同大功垂就令牧閩之于內解其都統鐸詩云三塵上相逢明主九合諸侯愧昔賢可謂慨然有志者然居乱世要須十分清苦庶可自全孔明躬耕娶阿承醜女相蜀不殖產其慮深矣鐸當國冢板蕩之際居將相衮鉞之任乃携妓妾輜重慢歲冶容行于虎狼之都三百

後村集 卷四十二
日遂併命于高鷄泊表哉

後村集卷之四十二

後村集卷之四十三

詩話 前集

揚劉諸人師李義山可也又師唐彥謙唐詩雖雕斲對偶然求如一杯三尺之聯惜不多見五言叙亂離云不見汲函谷俄驚火建章剪茅行殿濕伐柏舊陵香語尤渾成未甚破碎若西崑酬倡集對偶字面雖工而佳句可錄者殊少宜為歐公之所厭也

王元之被遇熙陵知制誥目揅徐鉉貶商州為內相目議孝章后喪貶滁州真皇登極召還將用矣其詩乃云兩制舊臣生白髮一番新肯上青天未幾再謫

黃州遷蘄州而卒豈新貴有所未平乎

王元之挽趙中令云太常草儀注全似葬周公足以稱其勛業

魏野五言云常憐李斯首不及嚴光足真處士語也
潘閔云白日昇天易清朝取事難野聘召而不至閔
叫呼而求用味其詩與張元姚嗣宗何異

潘閔客舍詩玉床安枕穩紙被轉身鳴定非慵便枕
玉涼繡被春寒夜者所能道也

詩家評論古人多是書生空言尔晏元獻書平津侯
傳云主父仲舒容不得未知賓閔是何人公能容富

歐二公于門下然後可以為此言但主父非仲舒之
倫宜以汲黯代之

夏英公宮詞云絳唇不敢深深注却怕香脂汗玉簫
不減香奩花間之作王岐公夫人閣端午帖子云後
苑尋青趣午前歸來競鬪玉欄边袖中獨有香芸草
留與君王辟蠹編出新意于絲絲巧粽之外可喜也
將飛更作迴風舞已落尤成半面粉宗景文落花詩
也為世所稱然李義山固云落時尤自舞掃後更聞
香李下句尤妙

君謨以詩寄歐公公答云先朝揚劉風采聳動天下

至今使人傾想世謂公尤惡揚劉之作而其言如此
 豈公特惡其碑板奏疏磔裂古文為偶儻者其詩之
 精工律切者自不可廢歟又云近時蘇梅二窮士尔
 主張風雅人士歸之自二窮人死文士滿朝而使斯
 道寂然中絕每念此事竊歎乃知文士滿朝而詩道
 寂然不但近歲祖宗盛時固已然矣歐帖在鄭子敬
 左司家

歐公詩如昌黎不當以詩論本朝詩惟宛陵為開山
 祖師宛陵出然後桑濮之哇淫稍熄風雅之氣脉復
 續其功不在歐尹下世之李梅詩者率以為淡集中

如葑上春田澗芦中走吏參烏程海貨通閭市漁歌

入縣樓餘姚白水照茅屋清風生稻花 霜落熊升

樹林空鹿飲溪 河漢微分練星辰淡布螢 每令

夫結友不為子求郎悅齊國長公山形無地接寺界与波

分金山 山風未虎嘯江雨過龍腥之類殊不草草盖

逐字逐句銖銖而較者决不足為大家數而前輩號

大家數者亦未常不留意于句律也

蘇子美詩行雄放于聖俞軒昂不羈如其為人及蟠

屈為吳体則極平夷安帖絕句云別院深深夏簟清

石榴開遍透簾明樹陰滿地日卓午夢覺流鶯時一

声又云春陰垂野草青青時有幽花一樹明晚泊孤舟古祠下滿川風雨看潮生極似韋蘇州垂虹亭觀中秋月云佛氏解為銀色界仙家多住玉華宮極工而世惟詠其上一聯金餅彩虹之句何也山蟬帶響穿疎戶野蔓蟠青入破牕亦佳句

子美送李生云李生以病廢東入徂徠峯志氣尚突兀形骸已龍鍾男兒生世間有如絕壑松誤為風雷傷不與匠石逢衰紕千尺幹摧朽似秋蓬此詩悲壯之甚李生何如人足以當之竊意子美自謂也

鴈湖注半山歸腸一夜繞鍾山之句引韓昌黎詩腸胃繞萬象非也孫堅母懷妊堅夢腸出繞吳閭門半山本此見吳志和王賢良龜詩云世論妄以蟲疑冰注雖引莊子但出處無疑字意公別有所本後讀盧鴻嵩山十志有疑冰之語又唐彦謙中秋詩云霧淨不容玄豹隱冰寒却恐夏蟲疑乃知唐人已屢用之矣

半山挽 裕陵云玉暗蛟龍蟄金寒鴈鷺飛挽吳春卿云曲突非無驗方穿有不行鍊字斷對無遺巧劉原父詠春草云春草綿綿不可名水邊原上亂抽榮似嫌車馬繫華處總入城門使不生肯父絕句云

青苔滿地初晴後綠樹無人畫
亭餘惟有南風舊相識運關門戶又翻書
皆有元和意度不似本朝人詩
劉貢父詠史云自古邊功緣底事
多因嬖倖欲封侯不如直與黃金印
惜取沙場萬鬪髀往往捐玉韶李
憲輩唐人曹松亦云憑君莫話封侯事
一將功成萬骨枯

王逢原暑旱苦熱云清風無力屠得熱
落日着翅飛上山春園已恨江海竭
天豈不惜河漢乾崑崙之高有積雪
蓬萊之遠常遺寒不能手提天下往
何忍身去遊其間其骨氣老蒼識度高
遠如此豈得不為荆

公所推

富公由并州入相外廷至于舉劾相賀
王逢原獨云要須待見成堯舜未敢輕
浮作頌聲所見高于石徂秣一等矣
荅孫莘老云生無人愧寧非樂死有天
知豈待名其固窮自守亦士之高致也
王逢原闕鴈云萬里波濤九秋後五更
風雨一燈旁不待着鴈字而題見矣

滕白題汶川村舍云種茶畝接紅霞
塢灌稻泉生白石根皤腹老翁頭似雪
海棠花底戲兒孫可入圖畫坡詩略如
昌黎有汗漫者有典嚴者有麗縟者有簡

澹者翁張開闔千變萬態蓋自以其氣魄力量為之
然非本色也它人無許大氣魄力量恐不可奪和陶
之作如海東青西極馬一瞬千里了不為韻束縛
陳洙書御史臺壁云清朝無事諫章踈竊祿經年卧
直庐惆悵平生不如亭春未三度到溪居與荆公三
年衣染禁城塵撫事茫然愧古人明月滄波江萬頃
扁舟長載夢中身之作暗合

唐子西諸文皆高不獨詩也其出稍晚使及坡門當
不在秦晁之下集中有閩坡貶惠州詩云元氣脫形
數運動天地內東坡未離人豈比元氣大天地不能

容伸舒輒有礙低頭不能仰開口焉敢效東坡坦率
老局促應難耐何當與道俱逍遙天地外此詩甚佳
狀得出

潮田無惡歲酒國有長春草木疑靈藥漢樵或異人
花開不旋踵草薶沒芥腰團扇侵時令方書遣畫長
問李漁儒釋交遊半士農國計中甯切家書隔歲通
閩河先壠遠天地小臣孤山靜似太古日長如小年
皆唐子西惠州詩也曲江南州景物略無遷謫悲酸
之態七言如身雜蜃中誰是我食除蛇外總隨鄉驥
子能吟青玉案木蘭堪戰黑山頭亦甚工

後人取前作翻騰勘辨有工于前作者唐子西過田
橫墓云滄溟無際何妨死却死東都未耿光乃反退
之祭文之意此詩必有謂不獨為橫發

元祐後詩人迭起一種則波瀾富而句律疎一種則
煅煉精而情性遠要之不出蘇黃二體而已及簡齋
出始以老杜為師墨梅之類尚是少作建炎以後避
地湖嶠行路萬里詩益奇壯元日云後飲屠蘇驚已
老長乘解艫竟安歸除夕云多事鬢毛隨節換尽情
燈火向人明記宣靖事云東南鬼火成何事終待胡
鋒作單臣謂方臘不能為岳陽樓云登臨吳蜀橫分

地徙倚湖山欲暮時又云乾坤萬事集雙鬢臣子一
謫今五年聞德音云自古安危閑政事隨時憂喜到
樵漁五言云泊舟華容縣湖水終夜明凄然不能寐
左右菰蒲聲窮塗事多違勝處心亦驚三更螢火鬧
萬里天河橫腐儒憂平世况復值甲兵終然無寸策
白髮滿頭生造次不忘憂愛以簡嚴掃繁縟以雄渾
代尖巧第其品格故當在諸家之上
徐師川聞捷云時時傳破虜日日問修門又云諸公
宜努力荆棘已千村陳簡齋感事云風斷黃龍府雲
移白鷺洲菊花紛四野作意為誰秋頗逼老杜

宣靖之禍自滅遠取燕始韓子蒼挽中山韓師云金
絮盟尤在仄釘事已新語妙而意婉上句捐韓下句
捐童蔡作詩法當如此

崔德符詩幽麗高遠了不蹈襲盖用功最深者觀魚
云小魚喜親人可釣亦可網大魚自有神隱見誰能
董老禪雖無心施食不肯嘗時于千尋底霍見如龍
章桃花云如何一朽株孕此千億花雖云行且闡明
歲亦再華豈如世上人一老不復佳過湖云誰見詩
顛顛發時鄱陽湖裡月明知無人為覓昭華管自捲
秋芦片葉吹皆精詣可吟諷

江端友字子我鄰幾之孫靖康間以布衣召用同時
詩人感慨北狩南渡之作多矣子我云楚欲圖周鼎
湯尤繫夏臺又云比年熒惑犯南斗何日燕人祭北
門事的切而語回互

江子我詠象云倉舒止用兒童計亦自能知尔重輕
盖用玉内翰元之譏玩張相齊賢之語但含蓄而不
刻露尔

朱希真七言如幾許少年春欲夏一番夢事綠催紅
過時不語罵解事怕客深藏魚見機人間萬事老無
味天下四時秋最愁五言如翦茅編鶴屋節米聚鷄

粮燈昏鼠窺研兩急犬穿籬皆警策不蹈襲

前輩記朱新仲舍人天氣未佳宜且住風濤如此亦
安歸之聯取其自然不煩斷削然新仲此等句尚多
指如郭侯飲云此時老子興不淺旦日將軍幸早臨
如何以報之青玉案我姑酌彼黃金壘凡引用前人
語皆蟠屈排募使之妥帖它句如滿地落花春病酒
一簾明月夜登樓相親多謝風標子可款豈無瀟洒
侯何送可覓秋消息忽有先鋒到白蘋如水篆行科
斗林粧嚙画眉若不經思而俱出人意表讀杜詩云
縱之逼論劍收之入弦弓尤前人所未發也

劉屏山題李忠愍集云二帝蒙塵方幸虜六臣奉塗
更朝梁叙當時事忠憤悲壯尹少稷聞僞奔入寇云
酬功不惜賞千布送死惟堪縛一駟足與前句相上
下

先朝上元駕御端門示與民同樂之意而已宣和間
燈尤盛至于騎年連月警蹕夜出尹少稷靖康元夕
詩云景龍只是當時路不見金錢打着人劉屏山亦
云淒涼但有雲頭月曾照當時步輦歸皆記向來期
門之事

汴都角妓都六李師師多見前輩雜記都即蔡奴也

元豐中命待詔崔白圖其兒入禁中師師著名宣和
 入至掖庭頃見鄭左司子敬云汪端明家有李師師
 傳欲借抄不果劉屏山詩云鞞鼓繁華事可傷師師
 垂老過湖湘縷衣松板無顏色一曲當年動帝王亦
 前人感慨杜秋娘梨園弟子之類

茶山種竹云餘子不足數此君何可無上句雖非竹
 事不竟牽強荔支云絕知高韻傾玃柱未竟豐肌病
 玉環上下句皆切又妙于融化送別云不堪相背處
 何況獨歸時行役云一寸客亭燭教聲村舍雞絕似唐
 人

紹興初虜歸我河南識者知和約之不堅久錢氏之
 後自中原遷奉三世喪柩寔于越土諸公皆為哀挽
 茶山獨云摸金千騎去埋玉幾人歸可謂妙于用事
 余為袁守項容絲被召過袁言自其先世墳域在沙
 市者皆已遷葬公安國愈感矣大夫得無感慨乎王
 嘉叟侍郎柳色知春淺鍾聲竟寺深避虎連村靜分
 魚一市腥之句甚佳

初以僧牒監鈔余軍儲夏均父詩云坐食今添幾支
 適者監那得百洪羊反本之論也

士大夫當離亂時有幸不幸者簡齋云浮世身難料

危途計易非東萊云後死番為累偷生未有期誦之
皆可悲慨

趙忠簡當國以近臣薦起處士劉致中至則趙去秦
代之矣劉報罷歸尹少稷東之云徒然五待送不辨
一書生史相力薦放翁賜第其去國自是臺評然王
景文乃云真翁自了平生事不了山陰陸務觀放翁
見詩亦笑云我字務觀乃去声如何把作平声押了
陸放翁少時調官臨安得句云小樓一夜听春雨深
巷明朝賣杏花傳入禁中 思陵稱賞由是知名
古人好对偶被放翁用尽 箱篋尾摸床稜 烈士

壯心狂奴故態 生希李廣名飛將死慕劉伶贈醉
侯 下澤乘車上方請劍 酒寧剩久尋常債劍不
虛施細碎餅 空虛腹壘隗曾 愛山入骨髓嗜酒
在膏肓 手版肩輿 鬼子天公 貴人自作宣明
面老子曾聞正始音 床頭周易架上漢書 溫卷
熟官 醉李寃病維摩 無事飲不平鳴 乞米帖
借車詩 翹道士楮先生 土偶天公 長劍挂頤
短衣掩脰 已得丹樨骨肯求香返魂 子午谷丁
卯橋 洛陽二頃光範三書 酒聖錢愚 茶七椀
糗三升 一彈指三折肱 天女散花麻姑擲米

玉麈尾金褭蹄 虎頭雞肋 金鴉背玉轆轤 客
至難令三握髮佛來僅可小低頭 百衲琴准鈎帖
藏經閣帖 摩詰病說法虞卿窮著書 讀書十
帛上樹千回 風漢醉侯 見虎尤據臂逢狐肯叩
頭 天愛酒地理憂 一齒落二毛侵 癡頑老嬰
鑠翁 曲肱縱理 竹郎木客 百錢拄杖一錚隨
身 百壘蓋兩囿棗 鍊炭勞薪 銅臭飯香 記
書身大似柳子忍事癭生如瓠壺 笑尔輩愛吾庠
僧坐夏士防秋 麈尾清談蠅頭細字 巖下電
霧中花 唐夾寨楚成臯 劍南集八十五卷八千

五百首別集七卷不預焉似此者不可殫矣姑記一
二于此

近歲詩人雜博者堆隊仗空疎者窘材料出奇者費
搜索縛律者少變化惟放翁記問足以貫通力量足
以驅使才思足以發越氣魄足以陵暴南渡而後故
當為一大宗末年云客送謝事歸時散詩到無人愛
處工又云外物不移方是李俗人尤愛未為詩則皮
毛落尽矣

舊讀揚誠齋絕句云飽喜飢嗔笑殺儂鳳凰未必勝
狙公幸逃暮四朝三外尤在桐花竹實中不曉所謂

晚始悟其微意此自江東漕奉祠歸之作也鳳雖不
听命于狙公然尤待桐花竹實而飽以花實况祠廩
也欲併祠廩掃宇之尔未幾遂請挂冠

誠齋挽張魏公云出畫民尤望迴軍敵尚疑只十箇
字而道尽魏公一生其得人心且為虜所畏與夫罷
相解都督時事皆在裡許然讀者都草草看了

今人不能道語被誠齋道尽 宿草春風又新阡去
歲無 江水夜韶樂海棠春貴妃 橘中招綺夏瓜
處屏任文 東宮 上日 晉殿吳宮尤碧草王亭謝館俱黃

鸞 春歸便肯平平過須做桐花一信寒 東風染
得千紅紫曾有西風半點香 年年不帶看花福不

是愁中即病中 昇平不在簫韶裡只在諸村打稻
声 六朝未可輕嘲謗王謝諸賢不偶然 山根玉
泉仰面飛飛出山頂却下馳自送庠阜瀉雙練至今

銀灣乾兩支雷声驚裂龍伯眼雪点濺温姮娥衣寄
言蘇二李十二莫愁瀑布無新詩 題激 王亭 羲和亭破
欲啓行紫金畢逋啼一声声送天上落人世千村萬

落鷄羊鳴素娥西征未歸去敲弄銀盤浣風露一丸
玉彈凍飛來打落桂林雪毛兔誰將紅錦幕半天赤
光絳氣貫山川須臾却駕丹砂轂推上寒空輶蒼玉

詩翁已行十里強義和早起道無雙義娥 子雲到

老不曉事不信人問有許由臺鈞

放翁學力也似杜甫誠齋天分也似李白

放翁云胆薄沽官釀瞳昏請監書杜荀鶴云欺春祇

愛和醅酒諱老尤看夾注書二聯皆佳

李伯紀丞相過海絕句云假使黑風漂蕩去不妨乘

興訪蓬萊與坡公九死南荒吾不恨茲游奇絕冠平

生之句殆相伯仲異乎李文饒盧多遜窮愁無慘之

作矣

鄉相陳魏公去位詩云病深老迫寧歸去莫作留侯

范蠡看時公年五十四而其言如此

艾軒讀江西詩云神仙本自無言說尸解由來最下

方

山谷與坡公云只欠小蠻樊素在我知造物愛公深

屏山問李漢老疾云欲袖雲門竹篋子室中驅出散

花人愛朋友之言也白公云病與樂天相伴住春同

樊子一時歸放翁云九十老農緣底健一生強半是

單栖自愛之言也

陳邦光以金陵降虜游士或題其先塋云牙郎一去

杳無蹤惟有青青夾道松若使人能全此操松應合

受大夫封其家執而訟于郡其守餉士人酒遣去牙
郎用唐人賣國語

范石湖賞海棠云憶向華堂夜倚闌花光妍煖月光
寒如今謁虱嫌風露且只銅瓶滿插看宣華玉蜀宮
名也

蕭千巖机杼與誠齋同但才慳于誠齋而思加苦亦
一生也蹇之驗同時獨誠齋獎重以配范石湖尤遂
初陸放翁而放翁絕無一字及之今摘其律帖精詣
不甚費研尋者于此 着語能奇恠呼天與倡酬秋中
疾走建德國乃為淵明先夫脚墮榛莽劉伶扶我還

和陶 乾坤生長我貧病怨尤誰 湘妃危立凍蛟背

海月冷挂珊瑚枝醜恠驚人能嫵媚斷魂只有曉寒

知百千年蘚着枯樹一兩点春供老枝絕壁笛声那

得到直愁斜日凍蜂知古梅造物巧能相補得破慳

餘與一天秋山中六月一節時到雀窠上有底勲勞得

給扶 秋浩蕩中遙指点一螺許是定王城渡湘稚

子推窓窺過鴈 数峯乘隙入西軒 眼冷寒梢明

数点知他是雪是梅花 秋陽直為田家計饒得漁

村一抹紅真誠齋敲手也

故參與龔公行役過一山有老木參天再過其山童

矣居人云巨室以此造屋公記以絕句云千章古木
轉頭空去與人間作棟陰未必真能庇寒士不如留
此貯清風晦翁後見此詩歎曰此鑿公一生詩識意
謂公初為諫官負重名晚不必為執政也

黃芻季野名士也既登第夢婦人素服扇上題云恨
君青袖短誤妾白羅粧季野遂不肯婚余大父著作
與之友善責以嗣續大義陳魏公素重其人以聶夫
人女歸第之既娶宛然夢中所見者季野果无子
大父葬之于吾家祖塋

李鴈湖悼亡云一杯謾道愁能遣幾度醒來錯喚君
然元稹已云恠未醒後傍人泣醉裡時時錯問君此
尤是暗合若四灵唐碑入宋稀與唐人隋柳入唐疎
之句則是明犯

安晚丞相昭君詩云解移尤物柔強虜延壽當年合
議功意新而理長

杭相李文靖乞去題六和塔云經從塔下幾春秋每
恨無因到上頭今日始知高處險不如歸卧舊林丘
高續古題四聖現云射熊館暗花扶扈下鵲池深柳
拂舟極藻繪追琢之功二宗殆不能過晚兼都官題
直舍云無詩如鄭谷有髮似馮唐亦警策

趙忠定當國招蔡季通不至尤坐趙黨謫死道州偽
禁方嚴朱文公題其墓云有宗西山先生蔡季通之
墓章泉哭之云鶻叫春林辱贈詩鴈迴湘浦忽傳悲
蘭枯蕙死迷三楚雨暗煙昏礙九疑蚤日力辭公府
檄暮年名入黨人碑烏虜季子延陵字不待錄詞行
可知是時章泉句律如此宜為一世所宗晚年詩太
坦率幾于鳳德之衰矣

趙南塘挽餘干相云柩前留素仗簾下進黃袍語簡
而事核又云漢閣新圖迥秦箏舊曲長挽輦仲至云
萬卷非其崇單方或以封有無窮之味和韓仲止懷

躡中第云黃臺瓜辭可憐羨老根連蒂摘都稀風流
遂至尔身尽衰病况堪吾道非少日梨棋豪索酒暮
年絲竹淚沾衣人生到此將何遣一卷南華坐掩扉
立春云蒼規不與圓生智白髮惟添老在身絕句云
我欲將君洞庭野斜河澹月听雲和要眇之音也
端平初除拜一新趙南塘起散地掌內制元夕觴客
客散家集有观傀儡詩云酒闌有感帝絲戲也伴兒
童看到明余謂康節遂令高卧人欵枕观兒戲之句
盖局外旁观者之言尔若同局而為此言似乎未可
南塘評躡中詩文兒節奏似韋謝信有之至于慕先

儒而遐想祝名流以自近則居然懸隔南塘惜其未
撥棄浮論可謂名言其雄心俠氣極力揩磨不尽不
若南塘之近道也題會春苑云草荒故苑幾春風尚
想花開春樹紅欲問當時馬王事寂寥殘照野亭中
寒食云人家插柳春將過時節澆松老未歸挽趙從
善尚書云先朝懷族遠平世責人深皆于近体中有
遠意

亡友臨川曾景建博學強記無所不通工詩有金陵
百詠同泰寺云此舉終屬侯丞相誰辨金錢贖帝歸
澄心堂命云一幅降牋何用許價高緣寫宋文章荆
公書堂云愁殺天津橋上客杜鵑聲裡兩眉攢皆峭
拔有風骨其少作云九十日春晴意少一千年事亂
時多佳句也

曾景建送蔡季通赴貶云四海未天子徵君獨典刑
青雲伯夷傳白首大玄經有客憐孤憤無人問獨醒
瑤琴空鏤匣絃絕不堪听其後景建亦坐詩禍謫春
陵而卒

建人朱復之字幾仲多材藝為詩有思致初夏云忽
听夏禽三五弄新紅突過石榴枝秋日云紅葉老去
羞明鏡誰讓朱榮上琴梢視趙紫芝一樹木犀供夜

雨清香移在菊花枝之句尤覓工緻

黃天谷名春伯白玉蟾姓葛名長庚皆自言得道後死乃無它異二人頗涉文墨所至墻壁淋漓揮掃能聲動人谷有詩云半篙春水一蓑煙抱月懷中枕斗眠說與時人休問我英雄迴首即神仙嘗訪蟾值其出題壁云惟訪惟不在茅君山來相待
侂胄既誅或托巢鳥以譏當時朝士云衆鳥不喜亦不悲又復別尋高樹枝

丁卯和議虜索首謀函首予之或為樂府云蓮山下韓家府主人飛頭去和虜高九萬吳山絕句云拂曉官未簿錄時未曾吹徹玉參差傍人忍听鸚鵡
犹向金籠喚太師

范石湖座上客有談劉婕妤好事者公與客約賦詞游次公先成公不復作衆亦斂手游詞云暖靄烘晴籞鎖垂楊籠池罩閣萬絲千縷池上曉光分宿霧日近羣芳易吐尋並蒂欄邊凝竚不信釵頭雙鳳去柰空刀被妾先留住天一笑萬花妬阿嬌好在金屋貯甚秋風易得蕭疎扇驚塵汗一自昭陽宮閉後墻角土花無數况多病情傷幽素百花臺上空雨露望紅雲杳杳知何處天尺五去無路次公字子明定夫諸孫

禮部侍郎操之子詩詞皆工

疎明瘦直不受東皇識留取伴春應肯萬紅裡怎着
得夜色何處留曉寒無柰力若在壽陽宮院一点点
有人惜王澡身有落梅詞也身有常為太常博士
潘枋字庭堅落筆皆不凡有鐔津懷舊詞云怕見倚
欄干閣下溪聲閣外山空有舊時山共水前歡暮兩
朝雲去不還想是躡飛鸞月下時時認佩環月又漸
低霜又下更闌折得梅花獨自看

余涉世齟齬每誦歐公平生名節為後生描画略尽
之言輒為慨然晚遂于朝交游皆掉臂去惟湯伯紀
寄詩云唐朝空自貴宏詞科目何常得退之掌制徒
聞誇子厚殘篇僅見命敦詩堪嗟實錄無完傳太息
淮西有後碑寄語莆田紫薇老文章蓋世例如斯余
固不足以當此詩然在西掖草制七十不止一首伯
紀未之見尔

後村集卷之四十三